

յարքունեաց գանձուցն շինեցին անդ զեկեղեցիս, եւ արկցին զպարիսպս բարձունս շուրջանակի, և ի ներքոյ զսրահս և զսենեակս առանձնականս արանց եւ կանանց, եւ ոռճիկք նոցա ի գալն եւ ի դնալն յարքունուստ լիցի...» (Հան. էջ 78-79):

«Մինչև ի գալն աստուածասէր և բարեպաշտ թագուհւոյն սրբոյն Հեղինեայ ի խնդիր կենսատու խաչին, և խոշտանկեալ զհրէայսն մեծաւ հոգունակուլ թեամբ եզիտ զխաչն աստուածեան, և լցաւ անճառցն ծուլթեամբ: Վասն որոյ սկիզբն արար սքանչելակերտ շինուածոյ սրբոյ և Աշխարհամատրան տաճարիս, սկսեալ ԳՃԽԶ (326) յամի տեառն, մինչև 8ԳՃԼԷ (337) ամն կատարեցաւ: Եւ ի սեպտեմբերի ԺԳ ին՝ արարին զնաւակատիս Սրբոյ Յարութեան և Գողգոթային, և ի ԺԴ ին վերացոյց հայրապետն զսուրբ խաչն աստուածեան ի տեսիլ ամենեցուն առ ի պահպանումն հաւատացելոց, ըստ աւանդութեան սրբոյն Յակոբայ Տեառնեղբորն, որպէս և գրեալ իսկ է Յայտմաւուրն» (Հան. էջ 163):

«... Յայնմ ժամանակի հաւատացեալքն շրջափակեցին զվայրս զայս՝ (Ս. Աստուածածնի Գերեզմանի եկեղեցիին տեղը) որ էր իբրև զայր մի ի ձորն՝ հրամանաւ առաքելոց, և պատուէին հանապազ զալով և աղօթելով աստ մինչև ցժամանակս մեծի դըշխոյին սրբոյն Հեղինեայ, որ եկեալ ի հիմանէ շինեաց զեկեղեցիս, որպէս և շինեաց զսուրբ Յարութիւնն և զայլ տնօրինական տեղիքս: Եւ ոչ միայն զեկեղեցիս զայս որ այժմ երևի, այլ ի վերայ սորին հանգոյն սմին եկեղեցի և վանք հուշակաւոր, յորում կուսանք մաքուրք՝ բնակէին և սպասաւորէին սրբոյ շիրմի ամէնօրհնեալ սուրբ Աստուածածնին: Երեք դրունքն